



Bartholomeus natione Germanus magna pietate & doctrina insignis fuit. Hic ut Deo in se uire & commodius literis inuigilare posset Carthusianorum ordinem assumpsit, atque monasterium ingressus est. Eo enim tempore multi clarissimi uiri putabant se nulla alia ratione commodius Deo placere, & libris incumbere posse, quam si monachi efficerentur. Hoc modo Carthusianorum ordo longè lateque serpsit, atque hinc inde plurimas aedes instituit, cum his rigidæ uitæ regulis, quas à Brunone authore suo anno 1080 acceperant. Intima ueste utuntur cilicina, summa pallio nigro, subter cædida toga, tegmineque capitis cucullo. carnibus nunquam

uescuntur, sexto plurimum hebdomade die pane & aqua ieiunium agunt. in cubiculis quæ ueluti sacella habent, soli edunt. certis tamen festis diebus unam duntaxat prandent.